



Bang Daxmeh Guh Hongranz

帮妈妈做家务

贵港市覃塘区蒙公乡高占小学三年级 闭晓炯

bang vunz gai doxgaiq, mbouj miz ngoenz yietbaeg, cungj dwg haet bae haemh ma, hoeng de baez daengz ngoenz singhgiz roengzban dauqma, cungj aeu baet ranz seuqsatsat baez ndeu, de muengz hongranz youh muengz hongrog, gig sinhoj, gou yawjraen daxmeh hanh lae hanh roenx, gig sim'in.

Baezneix, gou aeu hawj daxmeh sim' angq baez he, gou yaek bang de guh di hong he! Gou sikhaek hwnq congz, gaem sauqbaet hag gij yiengh daxmeh sauq ranz hwnjdaej, gou daij baihsuix sauq daengz baihgvas, lij seiz mbouj seiz nyex gyauej gvaqbae

yawjyawj gizlawz sauq mbouj seuq couh donq dauqbae caiq sauq, mbouj yaep he, baihnaj couh comz miz haujlai nyapnyaj lo. Gou aeu aen canjgei daej cang nyapnyaj deuz, youh hag daxmeh dawz byoem gyuj youq gwnz byai sauqbaet haenx cingleix rongzdaej. Hoeng, gwnz dieg lij miz geij giz gig uq, mboujguen baenzlawz haenqrengz sauq, cungj sauq mbouj seuq, gou couh gietdingh aeu dobaet daej do.

Gou dawz dobaet cimq ndaw raemx bae, youq ndaw dinghung do bae do dauq, gou guh ndaej hanh lae hanh roenx, hoeng, lij raen yaenqdin

uq gou. Baenzlawz banh ne? Sawqmwh, gou siengj hwnj daxmeh bingseiz do dieg seiz, sien dawz dobaet nyaenj raemx hawq bae caiq do dieg, do dieg seiz lij aeu dauqdonq byaij dwk do. Yienghneix, gou itmienh do itmienh donq dauq laeng, guh baenz haet ndeu, dauqdaej dawz dinghung uet ndaej ronghsagsag, lumj aen gingq nei lo. Yienznaeuz gou guh ndaej baegfofo, hoeng, ndaw sim diemzsis.

Daxmeh guhhong ma lo, yawjraen daengz ranz seuqsatsat, de got gou ndaetfwdfwd dwk riu lo.

(指导老师:覃珍团)

Nditrongh daij congheueg ciuq haeuj congz iq gou daej, gou nunu song ceh da ngamq ninz singj haenx, fatyienh daxmeh caeux couh bae guhhong lo. Daxmeh bae gwnz haw

Gou Gyaetz Saw

我爱书

武鸣县仙湖镇中桥小学五(3)班 邓倩倩

Sahswbijyah gangj gvaq: "Saw dwg yingzyangbinj daengz seiqgyaiq." Hoeng gou roxyinh saw mboujdan dwg yingzyangbinj, lij dwg boux baengzyoux ndei ndeu, hix dwg boux lauxsae ndei ndeu. Baengzyoux, ndaej hawj raeuz gadog seiz mbouj caiq fwz; lauxsae, youq mwh raeuz yozsiz bungzdaengz vwndiz seiz, ndaej bangcoh raeuz cijdauj raeuz.

Gou cei q gyaetz gij saw mizgven sij faenzcieng haenx, aenvih de ndaej daezsang gij bonjsaeh sij faenzcieng gou. Geiq ndaej lij iq seiz, gou gaenbonj mbouj rox faenzcieng dwg gijmaz, itcig daengz sam nienzgaep, gou cij rox: Faenzcieng couh dwg dawz gij ginglig bonjfaenh roxnaeuz gij saeh swheij naemj daengz haenx sij roengzdaej. Doeklaeng, daxmeh cawx

haujlai saw mizgven sij faenzcieng hawj gou, gou lumj dungxiex hozhawq ityiengh, yawj dwk feihdauh raixcaix, lumj fiz lumj mwnh. Yawj liux baez dem baez. Doeklaeng gou youh youq ndaw hag dingh 《Cozvwnz Davangz》. Moix ngoenz cuengqhag dauqma, gou sij cozyez liux le, couh dawz saw okdaej yawj, ndawde miz haujlai swz ndei vah ndei duenh ndei, gou youh cau roengzdaej, geiq youq ndaw sim. Daengz sij faenzcieng seiz, gou couh ndaej yungh daengz lo.

Saw, hawj raeuz youq ndaw haijyangz cihsiz youz. Saw, youq raeuz bungzdaengz gunnanz seiz bangcoh raeuz. Saw, gou gyaetz sou. Gou itdingh daij gwnz ndang mwngz hag cihsiz engq lai, majhung le vih sevei guh ok gunghawj.

(指导老师:潘文清)



Gvehoengz

西瓜

武鸣县仙湖镇中桥小学五(1)班 梁敬辉

Miz cungj doxgaiq ndeu hoengzfwdfwd raemxywdywd, gwn haeuj bak diemzsubsub. Mwngz rox neix dwg gijmaz lwi? Mbouj loek, couh dwg gvehoengz.

Gvehoengz dwg cungj mak mizmingz ndeu, de singisien raemx lai, ndaej gaj hozhawq. Seizhah, gyoengqvunz cungj gyaetz cawx gvehoengz daej gwn, aenvih gvehoengz ndaej fuengz fatsa.

Danghnaeuz dawz gvehoengz caq baenz raemxmak engq ndei. Dawz gvehoengz buq baenz song mbiengj, yungh sieg dawz nohmak daek okdaej, cuengq haeuj ndaw gihcaqmak bae baez caq, cenj raemx gvehoengz couh guh baenz lo. Dawz raemx gvehoengz cuengq haeuj binghsiengh bae gyoet, feihdauh engq ndei.

Gvehoengz yienznaeuz ndeigwn, hoeng gyoengq baengzyoux iq gaej gwn daiq lai, mboujnex ngaiz dungxin bw. (指导老师:潘文清)



▲ Gyoengq lauxsae hagseng youq gwnz cauhcangz swng geiz.

Cunghgyauz Siujyoz Haihag Hwnj Dangz Daegbied Ndeu

中桥小学举行别具一格的开学典礼



▲ Hagseng youq gwnzdaij doeg Diswigveih.

Ngeih nyied ngeihcib roek hauh, Cuengh Gun song saw vah sonhag sawqniemh hagdangz Vujmingz Yen Senhhuz Cin Cunghgyauz Siujyoz guh haihag denlij, lij guh hag 《Diswigveih》 daudwz gyauyuz hozdung gjidung yizsi dem. Ngoenzhaenx, gyoengq lauxsae caeuq doengzhag caez daengz gwnz cauhcangz swng geiz, yienzhaeuh Suh yaucangj hwnj daiz bae gangjavah, de naeuz hawj gyoengq hagseng mboujdan aeu hag ndei cihsiz, engq aeu laebbaenz sibgvenq ndei, guh boux roxsoq roxlaex, simndei simndat ndeu. Youq gwnz yizsi, it daengz rock nienzgaep hagseng daibyauij, daengx gyoengq lauxsae doxriengz hwnj daiz bae doeg 《Diswigveih》 mbangj goq he. Gyoengq lauxsae hagseng doeg Diswigveih, ndaej rox youq ranz, ok rog, caeuq vunz doxgyau, gouz hag seiz gij laexsoq caeuq gij hamhhaed haenx, ndaej son hagseng guh boux simsoh akkaenh.

Youq gwnz haihag denlij doxcaemh guh 《Diswigveih》 daudwz gyauyuz hozdung gjidung yizsi, dwg aen hagdangz neix haggeiz moq dangz goq daih'it, miz yi yi daegbied.

(Vujmingz Yen Senhhuz Cin Cunghgyauz Siujyoz)